

▲函電▼

電

貴陽劉督軍顯世之通電

孫中山先生鈞鑒莫督軍江電譚聯軍總司令徵電並悉僞政府私借外債近復利用賠款延期藉口中交還欠妄發公債便其私圖實屬罪惡多端法無可宥兩公電示論列已詳即請秩老主稿通告全國以阻奸謀為禱顯世麻印

四川陸軍第五師游擊軍司令官鄒有章致大元帥電

孫大元帥鈞鑒段氏違法搜殘國會翻逆抗變亂頻仍轉戰數月流血千里幸天厭禍劉張潛逃川中餘孽不難掃淨乃段賊盤踞中央猶形抗拒曹賊擁兵自衛甘作爪牙鄂事不甯終貽後患有章忝列戎行自慚鄙陋率師北伐願為前驅秣馬枕戈誓驅妖霧一勞永逸在此一舉諸公明達幸垂教焉四川陸軍第五師游擊軍司令官鄒有章叩奏

接閱粵軍總司令兼潮梅軍務督辦陳炯明之通電

孫大元帥鈞鑒莫公江電謂公徵電劉公麻電孫大元帥住電均敬悉僞政府為非法僭竊之機關其一切舉措悉為叛逆行為為雖既已根本否認其存在本不須隨事批判其得失至於附逆宵小藉名肥私之舉尤不止毛某一人七年公債一舉苟非盡力謀政治之根本改革終難清淨國民之病源惟恐國民無知受其愚弄日公推秩老主稿通電全國一致反對之主張實為救時要圖炯明極表同情請列入覽

名並望隨時以經過情形見示爲禱烟明叩文印

貴陽劉督軍顯世之通電

孫中山先生鑒諸公宥電譚聯軍總司令鈕總參謀冬電均奉悉程公玉堂首倡大義功在天壤旌麾所指全國響應毒遭兇變悲痛曷勝諸公所示緝兇嚴懲開會追悼撰具事實以表崇拜哀忱各節實爲最要之舉懇在粵諸公先即就近興辦以慰英靈林總司令護法討逆熱忱夙著公推主持海軍以竟程公之志世極贊成懇請林總司令即日宣布就職以定人心是爲至禱劉顯世支印

汕尾范分統錦荃致大元帥電

孫大元帥鈞鑒微日奉陳督辦文電探聞龍逆運動匪黨擬在碣石等處希圖起事仰速查拿等因當派營副劉玉田探悉汕尾舊共濟防務公司係龍逆機關即日眞日督隊圍搜拿獲羅耀林等十名紅白方旗一十八面駁壳鎗二枝信函一件內稱所謀之事均在汕碣方面着手種種逆謀証據昭然若揭除將該犯等及證物另行解繳外合先電陳如何辦理乞示遵照汕尾分統范錦荃叩文印

廣東莫代督軍榮新之通電

孫中山先生鑒頃接滬電文如下日聞財政部擬延期賠款暫將三年公債四千八百萬元六厘息債完中交兩行政府欠款本年一月起每年抽籤還本兩次五年還完號稱照票面價格出售不折不扣而六折不足之中交兩行鈔票可以購買票面祇定萬元千元兩種首限普通商人無力購買且亦並不發行向例六釐或八厘有折有扣之公債由公債局發賣分途勸募始得成數今六厘不折之公債全由兩行

包攬惟恐外間覬覦分購夫政府所欠兩行之款內容詭秘從未經國會及他機關查問今驟利用延期賠款數千萬元一舉償之顯有陰謀茲姑不論祇以發行公債情形計之彼輩可以不足三千萬元之現款換得五年還清本息六千餘萬之債利所謂現款一可由兩行欺朦挹注無從察知尤奇妙者發行公債名爲抬高票價而彼輩轉利用票價之落從中操縱以票易券其於欺謾尤爲顯然賠款之得延期乃至不惜國家所已供之犧牲及將來讓利後之纏藉稍一設想不寒而慄且延期特延期五年五年後仍當還付政府如未泯天良稍有人心此款正宜用之生產方面不宜用之消耗方面今不特消耗又從而侵蝕而侵蝕之法又迥非尋常無忌憚之人所敢出國家創鉅痛深僅乃得之數千萬元鉅款僅足供數四貪吏市儈之婪索朋分似此胆大妄爲目無法紀此而不討何以爲國方今政府濁亂人不樂生任此魑魅橫行不見輿論所在我西南仗義護國理應痛切通告國人責令政府取消此項公債條例延期賠款如何支用將來須有法案交國會通過始能有效祈速聯銜通電全國省議會商會及各界各報館一致反對爲要等因查北京僞政府財政部現行此項公債條例延期賠款實屬胆大妄爲目無法紀非全國反對不可擬致請伍秩老主稿領銜就近拍發如荷贊成卽祈賜覆榮新叩江印

大元帥致四川勞軍使李國定電

叙府李勞軍使鑒 廣東兩電均悉執事身歷險艱卒達使命宣播義聲激勵士氣遂使川局早定共策討逆以定中原功在國家曷勝佩服慰前經川省議會來電公推已特任熊克武爲四川督軍楊庶堪爲四川省長楊未到任前任命黃復生代理從此川中軍民兩政可趨分治而歸統一此時卽宜簡選師旅分途北伐執事準備出師不爭川中權利亮節可風尙望會同滇黔川各軍勉日東下速奏膚功實所切盼孫

文印

吳議長景濂之通電

孫大元帥鑒莫督軍江電譚聯帥廿電唐元帥庚電劉督軍麻電孫大元帥佳電陳總司令佳電均敬悉北京財政部擅定七年內國公債條例以延期賠款爲抵押以中交兩行爲包辦違法營私罪狀昭著擬託伍秩老擊衛主稿通電反對景濂極表贊同已請附列賤名譚月公微電所云應交國會議決誠爲尊重約法之正論除由國會非常會議提案反對俟議決後再行報告外先此奉聞吳景濂叩文印

唐元帥致大元帥電

孫中山先生鑒國家法治精神全在代議制度自國會被非法解散而吾國日陷於杌隳之途西南各省仗義護法首以國會爲重對於非常國會無不力任維持茲接吳王兩議長文東各電具悉粵省議會已議決由省庫籌墊國會經費五十萬元滇省自宜量力贊助除飭省署財廳迅速籌措逕撥粵省外尙乞議公協同籌墊俾國會經費不致支絀立法事務即時進行實爲盼禱唐繼堯魚印

大元帥致四川靖國軍援鄂第一路總司令王安富副司令李

善波電

銅仁電局郵送西秀黔彭靖國軍王總司令鑒並轉李善波副司令鑒兩君率師援鄂來電均悉義師東下早建膚功實深厚望本日已另令任命王安富爲四川靖國軍援鄂第一路總司令任命李善波爲四川靖國軍援鄂第一路副司令特此電達孫文侵印

大元帥致滇川黔各軍電

畢節唐元帥並轉各軍長貴陽劉督軍王總司令雲南劉代督成都熊督軍呂衛戍總司令重慶黃總司令代省長章太炎先生袁隊長永甯盧副司令順慶石青陽師長兼鎮守使並轉綏定顏總司令保甯陳副司令並轉大竹陳總司令銅仁電局郵轉王安富總司令李善波副司令均鑒石青陽所部早已成師屢建奇功現又略定川北自應將該部迅予編制查四川陸軍第二師自劉存厚逃竄後其部曲業已潰散茲任命石青陽爲四川陸軍第二師師長兼川北鎮守使即將該部編爲陸軍第二師切實訓練以資鎮撫除另電任命外特聞孫文元印

大元帥致汕尾范分統錦堃電

汕尾范錦堃分統鑒文電悉據報破獲龍逆機關殊堪嘉獎所獲逆黨及謀逆各証仰候陳總司令處分孫文寒印

四川勞軍使李國定致大元帥電

孫大元帥國會非常會議同人均鑒國定二次回川與川中將領相約宣布護法自主即同組織四川靖國軍劉陳退後國定駐兵叙城國定爲第二軍者意以第一軍推讓劉軍殊劉迫于形勢未克宣布退軍嘉定通電護法劉張出走川事解決新選參院議員楊肇基以舊部軍隊二十營在新津改組四川靖國軍第一軍從前計畫幸成事實將催二四以上等軍相繼成立且兵力愈厚則國基愈固殲滅氛指願聞事楊軍來電竭誠向爾除電覆外特此電聞李國定叩微印

大元帥致四川勞軍使李國定電

叙府李勞軍使鑒微電悉據報新選參院議員楊鑒基以舊部在新津改組成軍來電嚮義深堪欣慰尙望勉以與討逆各軍共相策應以建殊勳孫文刪印

大元帥致唐元帥電

畢節唐元帥鑒無電滇認國會經費已飭財廳籌撥護法以實不以名他省聞風孰不興起敬佩無既軍府現正力籌並聞孫文刪印

▲布告▼

軍政府財政部布告

照得本部依國會非常會議議決軍事內國公債條例舉募公債以嚴防弊端特慎手續先發行內國公債收條應募人交款之際即給公債收條再轉換正式債票此項收條由各籌餉委員領出分募定章每月須呈報經過情形並將募得款項及收條存根繳解其未經售出之公債收條亦須完全繳部以便隨時整理發行數月竟有少數延宕不遵解繳者本部特於一月式十一日通函飭催並於本軍政府公報及各日報廣告限期清繳茲期限已過查各領人呈報有轉交他人代募不能索回者有因天災或其他事故致毀失者應一律宣布取銷自茲佈告之日始凡後表所列諸字號之內國公債收條概歸無效除將字號表列外特此佈告

中華民國七年式月式十三日

軍事內國公債收條取銷表

字	號	數
天	0101 至 0200, 0212 至 0300。	
地	0403, 0409 至 0426, 0450, 0461, 0501 至 0505, 0510 至 0520, 0523 至 0539, 0541, 0512, 0541。	
玄	0302 至 0318, 0320, 0323 至 0337, 0339, 0340, 0316, 0347, 0350, 0351。	
黃	0192, 0106, 0103, 0115, 0129, 0137, 0142, 0143, 0148, 0150。	
荒	0801, 0802, 0803, 0809, 至 0830, 0832, 0833, 0834, 0835, 0836, 0880 至 0896。	
日	0901 至 0922, 0929 至 1000。	
月	0006 至 0101, 1010 至 0110, 0121 至 0130, 0153 至 0200, 0212 至 0300, 0305, 0606, 0607, 0608, 0609, 0616, 0801 至 1000。	
盈	0901 至 1000	
貝	0101 至 0200, 0209, 0401 至 0500。	
寒	0001 至 1000	
麗	0001 至 1000, 0301 至 0400。	

軍政府公報

布告

三月十六號第五十七號

八

▲廣告▼

○軍政府印鑄局公報處廣告(一)

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府印鑄局公報處廣告(二)

啟者本公報既出版數月來定購者日增無已茲除各行政公署及各公共團體送閱一份外其餘各個
人恕不贈送愛讀諸公請函致本公報發行處定購可也此佈

中華民國七年二月廿八日

軍政府印鑄局公報處啟

○大元帥府參軍處啟事

啟者大元帥府之電話號數如左

秘書處一一零零

參軍處副官室庶務科二零四四

衛隊室二零六九

大元帥府參軍處啟